

*Perpetuam Felicitatem.*

**P**atrone & Amice Colendissime, quicumque es, ad quem Catalogus hic noster perveniet, sunt quàm plurima præterea MSS, nec vulgaria arcana, ad vitam beatam, longam & sanam conducentia, apud piissimum nostrum senem, cujus nomen honorificentissimum ob causas domi mihi notas hoc loco apponere consultum non duxi. Collegi etiam ego præter monumenta Historica, Politica atque Philologica, non ubivis obvia, ac plerosque libros secretorum Imperatoris RUDOLPHI II, Reverendissimi Archiepiscopi Coloniensis ERNESTI, & aliorum Principum, &c. varia Theosophica, Mystica & Chémico-Medica opuscula: de quibus ac latentibus quibusdam Mysteriarchis, Bibliothecis rarioribus, & autographis Paracelsi, quorùm alicubi magnam copiam novi, si conferre per literas nobiscum tibi non displicebit, possunt illæ Francofurti ad Moenum exhiberi Dn. Lucae JENNISIO Bibliopolæ insigni, vel Hamburgi Domino JACOBO de ZETTER Francofurtensi, cujus officinam è regione Templi S. Nicolai invenies. Vale, Musis nostris fave, & mortalis immortalia cogita,

*RUIT HORA.*